

ՎԵՐԱՊԱՏՐԱՍՏՈՂ
ԿԱԶՄԱԿԵՐՊՈՒԹՅՈՒՆ
ՇՈՒՄ Գիտակրթական կենտրոն ՀԿ

Ավարտական
հետազոտական աշխատանք

Թեմա

Ճողովրդավարությունը դպրոցում

Կատարող

Աիդա Խաչատրյան Մկրտիչի

Ջաջուռի միջնակարգ դպրոց ,դասվար, 1-ին խումբ

Ղեկավար՝

Սիրվարդ Թամազյան

Բովանդակություն

Ներածություն.....	3
Գլուխ 1. Կրթության դերը ժողովրդավարության կայացման գործում.....	5
Գլուխ 2. Դպրոցի ժողովրդավարական կառավարում.....	11
Եզրակացություն.....	14
Օգտագործված գրականության ցանկ.....	15

Ներածություն

Ժողովրդավարությունը քաղաքակիրթ աշխարհի արժեքներից մեկն է: Ժամանակակից աշխարհում այն նույնիսկ ավելի կարևոր է , քան երբևէ : Անհրաժեշտ է, որ յուրաքանչյուր քաղաքացի իրագեկ լինի ժողովրդավարական արժեքների մասին և գործածի դրանք , իսկ այդ գործընթացը սկսվում է դպրոցից:

Աշխատանքի նպատակն է հասկանալ , թե ինչպիսի դեր ունի դպրոցը ժողովրդավարության կայացման գործում , ուսումնասիրել այն ուղիները , որոնցով հնարավոր է հասնել դպրոցի ժողովրդավարացմանը , քանզի միայն ժողովրդավարորեն կառավարվող ինստիտուտը կարող է քաղաքացիներինների գիտակցությանը հասու դարձնել ժողովրդավարությունն ասվածը:

Գլուխ առաջին: Կրթության դերը ժողովրդավարության կայացման գործում

Ժողովրդավարություն տերմինը ծագել է հունարեն *demokratia* բառից ,որը բացվում է հետևյալ կերպ՝ *Demos*-ժողովուրդ և *kratos* –կառավարել:(ժողովրդի կողմից կառավարվող)Այն կիրառվել է մ .թ .ա 5-րդ դարի կեսերից սկսած մատնանշելու համար այն քաղաքական համակարգերը ,որոնք գոյություն ունեին հունական որոշ քաղաք-պետություններում ,հատկապես՝Աթենքում: Հին հունական ժամանակաշրջանից ի վեր դեմոկրատիան տեսականորեն և գործնականորեն կրել է առանցքային փոփոխություններ:Ցեղային ու ցեղախմբային ժամանակաշրջանում կիրառվող ուղիղ դեմոկրատիան արդեն 18-րդ դարում ազգային պետությունների ձևավորմամբ փոխարինվեց ներկայացուցչականով :Ներկայացուցչական ժողովրդավարությունը պահանջում է մի շարք քաղաքական ինստիտուտների առկայություն ,որոնք զգալիորեն տարբերվում էին անտիկ շրջանում գործող ինստիտուտներից :

Կիրառելով ինդուկտիվ մեթոդը (մասնավոր փաստերից ընդհանուր եզրահանգման գալը)՝փորձենք առանձնացնել ժողովրդավարության առանցքային հատկանիշները և տալ վերջինիս սահմանումը:

Ժողովրդավարությունը ենթադրում է՝

1.Ժողովուրդը հանդիսանում է լեգիտիմ իշխանության միակ աղբյուրը և կրողը.ժողովրդավարական երկրներում իշխանության համար պատասխանատվությունը պատկանում է ժողովրդին ,ավելի կոնկրետ հասարակության չափահաս քաղաքացիներին ,ովքեր իզորու են ազատորեն ընտրել իրենց ներկայացուցիչներին ընտրությունների ,ազատ քվեարկության միջոցով :Յուրաքանչյուր երկրում ,որտեղ իշխում են ժողովրդավարական արժեքները կառավարությունը իշխանություն ստանում է ժողովրդից ,որը տեղի է ունենում 4-5 տարին մեկ կազմակերպվող ընտրություն կոչված գործընթացի միջոցով:

2. Ժողովրդավարական երկրում Մահմանադրությունը երկրի գերագույն օրենքն է ,որը սահմանում է կառավարության(իշխանության)հիմնական իրավունքներն ու

պարտականությունները :Մահմանադրության մեջ ամրագրված են պետական իշխանության քաղաքական և քաղաքացիական իրավունքներն ու պարտականությունները իր քաղաքացիների նկատմամբ:

3.Օրենքի գերակայություն- սա ժողովրդավարության կարևորագույն հատկանիշներից մեկն է , որի պարագայում բոլոր անձինք ,մարմինները ,հանրային մասնավոր կառույցները ,ներառյալ պետությունը ,հաշվետու են օրենքների առաջ ,այդ օրենքները հասանելի են բոլորին ,հավասարապես կիրառվում և մեկնաբանվում են անկախ դատարանների կողմից ,համապատասխանում են մարդու իրավունքների պաշտպանության միջազգային ստանդարտներին ու նորմերին :

4. Անհատի իրավունքներ .Ժողովրդավարության հիմնական նպատակը մարդու հիմնարար իրավունքների ու ազատությունների պաշտպանությունն է :Դրանք են խոսքի ազատություն ,մտքի ,խղճի , դավանանքի ազատություն :Իրավունքներից կառանձնացնենք ընտրելու և ընտրվելու իրավունքը :Ժողովրդավարությունը տալիս է հավասար քաղաքական իրավունքներ յուրաքանչյուր քաղաքացուն : Յուրաքանչյուր ոք ունի խոսքի և հավաքների ազատություն:Մա ներառում է խաղաղ ցույցեր ,հավաքներ ,մամուլի ազատություն, NGO (հասարակական կազմակերպություններ) առկայություն և այլն: Ժողովրդավարությունը բաղկացած է անկախ դատական համակարգից,որը կենտրոնացած է մարդու և քաղաքացու իրավունքների պաշտպանության վրա : Ընհանրացնելով նշենք , որ **ժողովրդավարությունը ժողովրդի իշխանությունն է , կառավարման մի ձև ,որը հիմնվում է ժողովրդի կամքի վրա :**

Դեմոկրատ երկրներում ժողովրդավարությունը դրսևորվում է հասարակական-քաղաքական կյանքի տարբեր ոլորտներում :Ժողովրդավարության հասնելը բարդ գործընթաց է , որին առավելապես նպաստում է լավ կրթական համակարգ ունենալը:

Դպրոցը պետք է ընկալվի ոչ միայն որպես հաստատություն ,որը աշակերտներին տալիս է գիտելիքներ և որոշ հմտություններ,այլև որպես միջավայր, որը սոցիալիզացնում է նրանց :Կրթությունը ժողովրդավարացնող ուժ է ,որը օգնում է պատրաստել քաղաքացիներ ակտիվորեն մասնակցելու ժողովրդավարական կյանքի բոլոր ասպեկտներին:

Ջոն Դյուին իր «Առաջադիմական կրթության նախագիծ» աշխատության մեջ հիմնավորում է ,որ կրթության նպատակները պետք է ուղղված լինեն երիտասարդներին ժողովրդավարական կյանքի բոլոր ասպեկտներում լիարժեք և ակտիվ մասնակցելու նախապատրաստմանը:Ժողովրդավարական կյանքի բոլոր ասպեկտներին ակտիվորեն մասնակցելու համար անհրաժեշտ հմտություններն են `քննադատաբար մտածելու կարողություն , քաղաքական կյանքին ակտիվորեն մասնակցելու ցանկություն`ներգրավվելով տեղական որոշումների կայացման գործընթացներում :Այս իմաստով , դպրոցները ,որոնք տալիս են աշակերտին հմտություններ ակտիվորեն մասնակցելու ժողովրդավարական գործընթացներին , ինքնին արտացոլում են ժողովրդավարական սկզբունքները ոչ միայն խոսքով , այլև գործով :

Շելդոն Բերմանը իր «Երեխաների սոցիալական գիտակցությունը և սոցիալական պատասխանատվության զգացումը»գրքում նկատում է, որ բոլոր ինստիտուցիոնալ կառույցները ,լինի դա աշխատավայր , ընտանիք , դասարան կամ դպրոց ,որոնք տալիս են երիտասարդներին հնարավորություն մասնակցելու կարևոր հարցերի վերաբերյալ որոշումների կայացման գործընթացին , ազդում են նրանց պատասխանատվության զգացողության , ժողովրդավարական արժեքները և գործընթացները ըմբռնելու և նրանց անձնական ու քաղաքական արդյունավետությունը վրա :Աշակերտները ժողովրդավարության մասին սովորում են ոչ միայն այդ մասին լսելով , այլև իրենց դպրոցում որոշումների կայացման եղանակները տեսնելով:

Գլուխ երկրորդ: Դպրոցի ժողովրդավարական կառավարում

Դպրոցի ժողովրդավարացումը միանգամից տեղի չի ունենում , այն շարունակական գործընթաց է :Իսկապես ժողովրդավարական է այն միջավայրը , որտեղ անհատները կարող են կառուցողականորեն փոխազդել ուրիշների հետ , որտեղ մարդիկ կարող են համաձայնել կամ չհամաձայնել որոշ հարցերի շուրջ , որտեղ մարդու իրավունքները և օրենքի գերակայությունը պաշտպանվում և հարգվում են :

Ժողովրդավարական դպրոցական միջավայր ստեղծելու պատասխանատվությունը պատկանում է դպրոցի տնօրենին կամ ղեկավարին:Ժողովրդավարական երկրներում կան այլ շահագրգիռ կողմեր , որոնք ունեն դպրոցի հաջողության նկատմամբ շահագրգռվածություն՝ աշակերտներ , ծնողներ , ուսուցիչներ և ավելի լայն համայնք:Դպրոցի տնօրենները իրենց աշխատանքում պետք է հաշվի առնեն մի շարք գործոններ՝ օրենսդրություն, կրթական չափորոշիչներ , առարկայական ծրագրեր, մրցակցությունը այլ դպրոցների հետ:Նշված գործոններից շատերն անընդհատ փոխվում են և դպրոցի ղեկավարները չեն կարող վերահսկել և կառավարել այս ամենը, ուստի ժամանակակից դպրոցի հաջող, արդյունավետ և կայուն կառավարման համար քաց և ժողովրդավար մոտեցումը միակ ճանապարհն է :

Կան գործունեության մի քանի բնագավառներ,որոնք ունեն առավել մեծ նշանակություն, գնահատելու համար ինչ մակարդակում է դպրոցի

ժողովրդավար կառավարումը կամ ինչպես է դպրոցը գնում

ժողովրդավարության ճանապարհով:

Առանձնացնենք 4 հիմնական ոլորտներ.

- Ուսուցում
- Դաստիարակություն
- Կառավարում
- Համագործակցություն

Ուսուցում: Ուսուցումը միայն գիտելիքների փոխանցումը չէ, այլ այն արժեքների համակարգը, որը կարևոր է այդ հասարակության համար: Ուստի, այլ ոլորտը գնահատելիս պետք է նայել, թե ինչպիսի տեղ են գրավում և դերակատարում ունեն ժողովրդավարական արժեքներն ուսուցման գործընթացում:

Դաստիարակություն: Շատ հաճախ կրթություն ասելով հասկանում ենք ուսուցում և դաստիարակություն, սակայն դաստիարակությունը պետք է առանձնացնել՝ դիտարկելով որպես սովորողների կարգապահությունը՝ որպես դաստիարակչական խնդիր, ավելի ճիշտ, խոսել կարգապահության բացակայության մասին, քանի որ այսօր այն դարձել է առանցքային հիմնախնդիրներից մեկը ոչ միայն շատ դպրոցներում, այլ նաև կրթական համակարգում առհասարակ:

Գոյություն ունի թյուր պատկերացում այն մասին, որ դպրոցում ժողովրդավարությունն ու կարգապահությունը անհամատեղելի են:

Կառավարում: Այս ոլորտը գնահատելիս պետք է հաշվի առնել՝ հատկապես ժողովրդավարական սկզբունքներն ու արժեքները ինչպես են ազդում կառավարման համակարգի և դպրոցի ամենօրյա կյանքի վրա:

Համագործակցություն: Համագործակցությունը ուղղված է նրան ,թե ինչպես է դպրոցը արձագանքում հասարակությանը, որին պետք է ծառայի , աշակերտներին, որոնց համար գոյություն ունի,ինչպես նաև ծնողներին , որոնք համարվում են ուսումնական գործընթացի մասնակիցներ:Համագործակցությունը կապված է նաև այն բանի հետ , թե ինչքանով է դպրոցը ակտիվ և բարյացակամ գործընկեր այլ կազմակերպությունների հետ:

Դպրոցի ուսումնական մասի ժողովրդավարացումը ենթադրում է բարեփոխումներ, կրթության վերափնաստավորում:Ուսումնասիրելով 21-րդ դարի աշխատաշուկան `կարող ենք առանձնացնել գործատուների ` շրջանավարտներին ուղղված մի շարք պահանջներ ,հմտություններ , որոնք պետք է դպրոցական կրթությունը ապահովի . Դրանք են ` համագործակցության հմտություններ ,քննադատական մտածողություն , խնդիրների լուծման կարողություն ,ստեղծագործականություն, հաշվետվողականություն ,ձեռներեցություն, SՏՏ գրագիտություն և այլն :Մրանք բոլորը կենսականորեն կարևոր հմտություններ են , այնուամենայնիվ դպրոցում հիերարխիկ հարաբերություններն ու դասավանդման ավանդական մեթոդները սովորողներին չեն տրամադրում վերը թվարկված հմտությունները :Սովորողների մոտ նոր վարքագիծ ձևավորելու և այդ հմտությունները զարգացնելու համար պետք է անցում կատարել **փորձառական ուսուցման (ExL) սոցիալ-կոնստրուկտիվիստական մոտեցման** շրջանակներում:Այն թույլ է տալիս սովորողներին սովորել գործողության, փորձի միջոցով:Այս

մեթոդը չի ներառում <<սովորել անգիր>>-ի միջոցով ավանդական մեթոդը ,որում կա սովորեցնող , ով գիտի և խոսում է , և կա սովորող,ով չգիտի և պարզապես պասիվ լսում է :

Երկարատև ուսումնասիրությունների արդյունքում միջազգային փորձագետների կողմից դուրս են բերվել այն չափանիշներն ու ցուցիչները, որոնք անհրաժեշտ են դպրոցի զարգացման և դեմոկրատացման համար¹:

- Կրթական միջավայրի որակ (ներառելով դպրոցի կրթական-դաստիարակչական գործունեությունը):
- Մասնագիտական միջավայրի որակ (այդ թվում ուսուցիչների որակավորման բարձրացում):
- Դպրոցի արդյունավետ փոխհամագործակցություն (համայնքի աջակցությամբ դպրոցի խնդիրների լուծում):
- Դպրոցական միջավայրում առողջության և անվտանգության երաշխիքներ(սովորողների ֆիզիկական և հոգեկան առողջության ապահովում):
- Դպրոցի կառավարման արդյունավետություն և պատասխանատվություն:
- Դպրոցի գործունեության փաստացի ճշգրիտ , իրական գնահատում:

Կրթական միջավայրի որակ

Անհրաժեշտ նախապայմանները.

- նախազծային գործունեությունը որպես ուսումնական պլանի կամ կրթական ծրագրերի պարտադիր մաս,

- սովորողների ինքնուրույն գործունեությունը առկայությունը և դրա շարունակականությունը ավագ դպրոցում,
- անհատական կրթական երթուղու հնարավոր ընտրության առկայությունը ավագ դպրոցում
- հատուկ կարիքներ ունեցող սովորողների կրթական պահանջների բավարարման համար անհրաժեշտ պայմանների առկայությունը,
- սովորողների համայնքային, սոցիալական ծրագրերի մասնակցությունը որպես դպրոցի աշխատանքային պլանի պարտադիր մաս ,
- տեղեկատվական տեխնոլոգիաների կիրառումը ուսումնական գործընթացում, ուսուցման ակտիվ և ինտերակտիվ մեթոդների կիրառումը ուսումնական գործընթացում,
- կրթական գործընթացում սովորողների մասնավոր կյանքի պաշտպանության մեխանիզմների առկայությունը,
- սովորողների կողմից դասավանդման որակի և դպրոցական մթնոլորտի գնահատման առկա համակարգի առկայությունը,
- աշակերտական խորհուրդների և հասարակական կազմակերպությունների
- համագործակցության առկայությունը:

Մասնագիտական միջավայրի որակ

- Հերթական աստեստավորման ենթակա ուսուցիչների մասնագիտական զարգացման վերապատրաստման գործընթացի ապահովում:
- Դպրոցի ռազմավարության և զարգացման նպատակով բաց քննարկում:

- Ուսուցիչների անհատական և թիմային նախագծերի առկայություն:
- Հասարակական և մասնագիտական միջոցառումների անցկացման առկայություն:
- Համագործակցային մթնոլորտի առկայությունը:

Դպրոց-համայնք համագործակցություն.

- Կապի ապահովման և համագործակցության առկայություն, նախագծային աշխատանքների և կրթական ծրագրերի ներկայացման ժամանակ:
- Համագործակցության ընդլայնման ապահովում:
- Տարեկան զեկույց՝ կատարված աշխատանքների ներկայացում:
- Դպրոցի կայքի պարբերական թարմացում:
- Համագործակցություն դպրոցի շրջանավարտների հետ՝ կրթական գործընթացի զարգացման ուղղությամբ
- ԶԼՄ-ների հետ ակտիվ համագործակցություն

Դպրոցական միջավայրի անվտանգության երաշխիքներ

- Դպրոցի արդյունավետ գործունեության նպատակով քննարկումների արդյունքում նորմերի և կանոնների ընդունում:
- Երեխաների և անձնակազմի առողջությունը ապահովող մեխանիզմի առկայություն:
- Հոգեբանասոցիալական աջակցության կարողության առկայություն:

- Սովորողների ֆիզիկական և հոգեբանական վիճակի մշտադիտարկման մեխանիզմի առկայություն:

Դպրոցի կառավարման արդյունավետություն և պատասխանատվություն

Երկարաժամկետ և միջնաժամկետ նպատակների ձևակերպում և հաստատում

- Նպատակների իրականացման մեխանիզմների ձևավորման ապահովում (ծրագրեր, նախագծեր, նորմատիվ-իրավական փաստաթղթեր):
- Նպատակներին հասնելու համար բաց և հասկանալի ցուցիչների առկայություն:
- Մշտադիտարկում անցկացնելու համակարգի ապահովում:
- Կոնֆլիկտների և վեճերի հաղթահարման, բաց և արդարացի լուծման հնարավորության ապահովում:
- Աշակերտական ինքնավարության մարմինների առկայություն:
- Դպրոցի կառավարման խորհրդի ամենամյա հաշվետվության առկայություն: Դպրոցի գործունեության գնահատման հուսալի և օբյեկտիվ համակարգի առկայություն:
- Սովորողների անհատական զարգացման գնահատում:
- Ուսուցիչների և վարչական աշխատողների աշխատանքի հանրային, բաց գնահատում:
- Դպրոցի ձեռքբերումների և բոլոր ուղղություններով փոփոխությունների վերաբերյալ տվյալների բաց համակարգի առկայություն :

- Դպրոցի գործունեության հասարակական վերահսկողության մեխանիզմի առկայություն (սովորողներ, ուսուցիչներ, ծնողներ, համայնքի բնակիչներ):

Դպրոցի կառավարումը վերջինիս մարդկային և ֆինանսական պոտենցիալի նեղաշնակումն է: Դպրոցի դեմոկրատական կառավարումը հիմնված է՝

- Համագործակցության
- խորհրդակցությունների
- շահառու անձանց կողմից արվող առաջարկությունների
- որոշումների կայացման մեջ նրանք ակտիվ մասնակցության
- պրոֆեսիոնալիզմի
- փոխադարձ հարգանքի
- գործընկերային հարաբերությունների՝ ինչպես դպրոցի ներսում , այնպես էլ դպրոցների միջև:

Շահառուների թվին են պատկանում աշակերտները , ուսուցիչները , ինչպես նաև ծնողները : Շատ կարևոր է , որ աշակերտները ներգրավված լինեն իրենց դպրոցներում դպրոցական կյանքի փոփոխության և բարելավման գործընթացում: Այդ ներգրավվածությունը իրականանանում է աշակերտների ներկայացուցչական խորհուրդների միջոցով; Դպրոցը ընտրում է աշակերտների ներկայացուցիչներին՝ համաձայն դպրոցում գործող համակարգի: Աշակերտ-ներկայացուցչի դերը պետք է ունենա իրական արժեք , որպեսզի բոլոր աշակերտները իսկապես ներգրավված լինեն դպրոցի ժողովրդավարական կառավարման գործընթացում և զգան , որ իրենք իսկապես գնահատված են : Այս դեպքում աշակերտները դառնում

են դպրոցի բարեփոխման առաջամարտիկ:Աշակերտ-ներկայացուցիչները պետք է դպրոցում ունենան որոշակի ինքնուրույնություն,օրինակ՝ տոնական միջոցառումների ժամանակ ինքնուրույն կառավարել բյուջեն:Աշակերտները պետք է մասնակցություն ունենան դպրոցի կանոնակարգի մշակման գործում: Այս ամբողջ գործընթացում աշակերտներին հնարավորություն է տրվում զգալ իրենց ուժը , քանի որ նրանք ոչ միայն նպաստում են դպրոցական կյանքի բարելավմանը , այլ նաև տեղեկացված են դառնում այդ փոփոխությունների իրականացման գործընթացից:Օրինակ՝ իրավական հարցերի և դրա հետ կապված ցանկացած սահմանափակումներ հասկանալը և բյուջեի կառավարումը:Աշակերտները պետք է համագործակցեն նաև այլ դպրոցների աշակերտների հետ, և արդյունքում կարողանան հասկանալ տարբեր դպրոցների համակարգերը և մտածելակերպը:Այս համագործակցությունը հնարավորություն է տալիս աշակերտներին դառնալ ավելի մոտիվացված:

Ծնողական խորհուրդը նույնպես կարող է նշանակալի դերակատարություն ունենալ հանրակրթական հաստատության կրթության որակի նկատմամբ վերահսկողություն սահմանելու գործում , ինչպես նաև նպաստել դպրոցի կառավարման արդյունավետության բարձրացմանը՝ կապ հանդիսանալով դպրոցի և արտաքին աշխարհի հետ: Սակայն ծնողական խոչհուրդների գործունեությունը մի շարք թերություններ ունի:Որպես կանոն՝ ծնողական խորհրդում ընդգրկված ծնողները չափազանց պասիվ են :Նրանք հիմնականում իրազեկված չեն ծնողական խորհրդի լիազորությունների վերաբերյալ և հարկ եղած դեպքում խուսափում են բարձրացնել իրենց

օրինական պահանջները: Ծնողական խորհուրդներում ներգրավված ծնողներն իրենց անդամակցությունը դիտարկում են ավելի շատ որպես սեփական երեխայի շահերը պաշտպանելու լծակ , այլ ոչ թե սովորողների ընդհանուր խնդիրները լուծելու միջոց:

Ուսուցչի դերը դեմոկրատական դպրոցում աշակերտի մոտ դեմոկրատական արժեքներ սերմանելն է **դեմոկրատ դասարան** ստեղծելը: Դեմոկրատական դասարանը սովորելու միջավայր է , որտեղ երեխաների ձայնը լսելի է , և կիրառվում է աշակերտակենտրոն մանկավարժական մեթոդներ:²

Սովորել-սովորեցնել գործընթացը իրականանում է աշակերտ ուսուցիչ համատեղ ջանքերով :Նրան պետք է պլանավորեն այդ գործընթացը համագործակցային ձևով:Նրանք միասին պետք է որոշեն այդ գործընթացի կանոններն ու ընթացակարգերը :Ժողովրդավարական սկզբունքներով առաջնորդվող ուսուցիչը առաջնորդվում է հետևյալ կանոններով՝

- Թույլ է տալիս , որ աշակերտները ազատորեն ընտրություն կատարեն առանց միջամտության և պարտադրանքի:
- Աշակերտների հետ քննարկում է նրանց՝ իրանց առջև դրված ընտրությունների դրական և բացասական կողմերը :
- Օգնում է աշակերտներին առավել ճիշտ որոշումներ կայացնել

Ժողովրդավարական դասարանի բնութագրիչներն են՝

- **Դեմոկրատական արժեքները** : Այդ արժեքները երեխաներին տալիս են ազատություն ունենալու իրենց տեսակետը այն ամենի նկատմամբ ,ինչ նրանք սովորում են դպրոցում:Ժողովրդավարական դասարանը երեխաներին դարձնում է իրազեկ և գիտակից:

- **Ուսուցիչների պատասխանատվությունը:** Ժողովրդավարական դասարանում ուսուցիչները կհսում են որոշումների կայացման պատասխանատվությունը աշակերտների հետ , ապահովում են հավասարության և աշակերտակենտրոն սկզբունքներով կազմակերպված դաս, ստեղծում են միջավայր արդյունավետ հաղորդակցության համար , կարևորություն են տալիս բոլոր աշակերտներին առանց խտրականության , տրամադրում են հնարավորություն, որպեսզի աշակերտը արտահայտի իր տեսակետը , ներգրավվում է աշակերտներին ուսումնական գործընթացում:
- **Աշակերտների դերը:** Ժողովրդավարական դասարանում աշակերտը ինքն է ընտրում և որոշում իր ուղղությունը ,օրինակ ` աշակերտը որոշում է սովորել այն ձևովը, որը իրեն հետաքրքիր է :
- **Դասարանի մթնոլորտ:**Դեմոկրատ դասարանը գործում է որպես խումբ. եթե խմբի անդամներից մեկը ունի խնդիր ,այդ խնդրի հասցեատերը դառնում են բոլորը:Դասարանը պետք է զարգացնի խմբային ,այլ ոչ թե անհատական մթնոլորտ:

Եզրակացություն

Ամփոփելով աշխատանքը՝ տեղին կլինի ցիտել Լ. Լակեդոմոնսկիյի խոսքերը՝ «Մի մարդ ցանկանում է ժողովրդավարություն հաստատել իր երկրում: Մարդիկ նրան ասացին՝ սկզբից ժողովրդավարություն հաստատիր քո տանը ,ապա երկրում»:

Այս խոսքերից կարելի է եզրակացնել , ժողովրդավարական պետություն ունենալու համար պետք է առաջին հերթի ժողովրդավարությունից բխող արժեքները սերմանելու գործընթացը սկսել դպրոցից: Պետությունները մեկ կամ երկու քայլով չեն կարող թռիչք կատարել դեպի ժողովրդավարություն :Դրան հասնելը երկարատև գործընթաց է , որը պահանջում է դեմոկրատիայի սերմանում երեխաների մոտ կրթության միջոցով : Բացի կրթությունից՝ որպեսզի երեխան հասկանա ժողովրդավարական արժեքները և ձգտի հասնել իր պետության ժողովրդավարացմանը , պետք է իր առջև ունենա ժողովրդավարական արժեքներով կառավարվող դպրոց:

Գրականության ցանկ

- 1.<<Դպրոցի ժողովրդավարական կառավարման մոդել>>. Ուղեցույց դպրոցների վարչական և մանկավարժական աշխատողների համար :Երևան 2014
- 2.Ժողովրդավարության և մարդու իրավունքների կրթության հայեցակարգ. Նախագիծ
- 3, Guardian student guide
- 4.britannica.com
- 5.Textbook.com The function of a teacher in a democratic classroom is ... Bihar CET B,ED. Official Paper
- 6.etwinning.net Աշակերտները կարող են և պետք է ներգրավված լինեն իրենց հաստատություն դպրոցական կյանքի փոփոխության և բարելավման գործընթացում:
- 7.Kent State University , What is Experiential Learning and Why is it important?
- 8,svm.edu , Democracy and Education , Schools amd Communities Research Project